

REPOTI YA KONGAMANO LA DIASPORA LA TANO LA PEMBA TANZANIA.

Baraza la Diaspora wa Tanzania Duniani – Tanzania Global Diaspora Council (TDC Global) lilishiriki katika kongamano la Tano la Diaspora lilofanyika Pemba Tanzania kuanzia tarehe 18 -19 Augusti 2018. Ifuatayo ni repoti ya baraza kuhusu kongamano hilo.

Kongamano liliandaliwa na serikali ya Jamhuri ya Muungano wa Tanzania na Zanzibar na Serikali ya Mapinduzi Zanzibar. Msimamizi wa maandalizi ya Kongamano hilo alikuwa ni Ndugu Salum Maulid Salum – Katibu Mkuu ofisi ya Rais wa Zanzibar na Mwenyekiti wa baraza la Mapinduzi.

Mgeni rasmi alikuwa ni Rais wa Zanzibar Mh Ali Mohamed Shein. Viongozi wengine waliudhulia Kongamano hilo ni pamoja na Makamu wa Rais wa Zanzibar, Waziri wa nchi ofisi ya rais wa Zanzibar, Mkurugenzi wa dawati la Diaspora Tanzania. Mkuu wa mkoa wa Kusini Pemba, Viongozi wa ulinzi na usalama wa Zanzibar, Makatibu wakuu na manaibu makatibu wakuu wa Zanzibar. Mkurugenzi wa NIDA, Viongozi wa Idara ya uhamiaji na Viongozi wengine, Itifaki imezingatiwa.



Viongozi na wazamini wa Kongamano wakiwa katika Picha ya Pamoja

Kwa upande wa TDC Global iliwakilishwa na katibu wa TDC Global Ndugu Adolph Makaya, Mweka hazina wa TDC Global Ndugu Zainab Haji Mohamed na Mkuu wa kitengo cha mitandao ya kijamii na teknohama ya TDC Global Ndugu Maggid Mjengwa. Kongamano liliudhuliwa pia na Diaspora wengi toka nchi mbali mbali wakiwemo diaspora wanaoishi Tanzania.

Maandalizi yalikuwa mazuri sana kuanzia mtu anapofika Unguja. Kulikuwa na huduma zilizopagwa vizuri, kupokea wageni na kuwafikisha eneo maalum la kujisajili kwa ajili ya huduma nyingine ziendanazo na kongamano hilo na watu wa kuelekeza nini ufanye ili upate huduma nzuri.



Usafiri wa Kutoka Unguja kwenda Pemba ulighalamiwa na Serikali, Watu wote zaidi ya 200 walitumia usafiri wa boti nzuri ya Mv Mapinduzi 2. Kwenda na kurudi Pemba na Unguja.



Viongozi wa TDC Global ndani ya Mv Mapinduzi 2

Siku ya kwanza ya kongamano ilitumika kwa wenyeji kuwapokea wageni kuwatumbuiza kwa ngoma za asili na kuwahudumia kwa Chakula kizuri sana. Usafiri wa kutoka bandarini hadi hotel zilizopangwa kufikia wageni vilisimamiwa vyema na waandaaji wa Kongamano hilo.

Jumapili tarehe 19 Augusti Kongamano liliendele kulingana na ratiba kulikuwa na kipindi cha kutoa mada, kuuliza maswali na hotuba za viongozi ikiwemo hotuba ya Mh rais wa Zanzibar iliyokuwa ya ufunguzi. TDC Global kupitia katibu wake ilipata nafasi ya kutoa mada. Kutokana na ufinyu wa muda Katibu aliweza kuelezea kuhusu kuanzishwa kwa TDC Global, mahali ilipo na inapojipanga kwenda. Diaspora wengi walikuwa hawana taarifa kuhusu TDC Global hivyo basi walifurahi sana kujua kuwa Baraza la wanadiaspora lipo. Tuliweza kugawa vipeperushi vya Baraza la TDC Global na kujibu maswali yaliyoelekezwa kwetu wakati wa kutoa mada. Taasisi nyingine zilioshiriki kutoa mada ni pamoja na Uhamiaji, Nida na Mwendesha mada toka bunge la jamhuri ya muungano wa Tanzania Ndugu Sada Mkuya.

Mh Rais wa Zanzibar alitoa hotuba nzuri ya ufunguzi, akielezea Ushirikiano mzuri ulikuwepo kati ya Serikali na Diaspora. Vitu Diaspora ilivyofanya na jinsi Serikali inavyopanga kuwashirikisha Diaspora katika shughuli za maendeleo ya Nchi.

Mh rais wa Zanzibar, alituelekeza kuwa ili tupate kulitumia vyema kongamano ni lazima tuongeze siku za kufanyika kwa kongamano ilo ili kutoa muda mrefu wa kujadiliana kuhusu matatizo, malengo na kujadili ni wapi tumefikia au tumefanya kutokana na maamuzi ya kongamano lililopita. Alisema tukifanya hivyo tutakuwa tunapata matunda zaidi kutokana na makongamano hayo.



Wajumbe wa kongamano walipata bahati ya kutembelea vivutio mbali mbali vya utalii vya zanzibar ikiwemo hotel yenye chumba cha chini ya bahari. Wajumbe pia waliweza kutembelea kiwanda cha mikongosho na hospitali ya Abdu mzee.

Kongamano lilifungwa na Mh Seif Ali Iddi (Balozi) Makamu wa Pili wa Rais wa Zanzibar. Katika hotuba yake aliwashukuru waandaaji wa kongamano na kuwakumbusha washiriki wa kongamano kuzingatia yale yaliyoelezwa katika Hotuba ya Mh Rais wa Zanzibar wakati wa ufunguzi wa Kongamano.

Alitoa pia shukrani kwa washiriki na watoa burudani wote walioshiriki katika kongamano hilo.

Kwa maswali yeyote kuhusiana na kongamano mnaweza kuyatuma kwa info@zanzibardiaspora.go.tz au piga simu namba +255777419467. Unaweza kuwasiliana na TDC Global info@tdcglobal.org au simu namba +4747262181. Kwa maelezo zaidi kuhusu Diaspora wa Tanzania duniani unaweza kutembelea www.tdcglobal.org .

Makongamano haya ya Diaspora ni endelevu na yanafanyika kila mwaka mwezi wa nane. Unaweza kuanza kujiandaa sasa kwaajili ya kongamano lijalo. Pamoja na ripoti hii ninawaomba Diaspora wote kuendeleza majadiliano ya mada mbalimbali za Diaspora kupitia mitandao ya kijamii ya Baraza- TDC Global kuliko kungojea kongamano maana mara nyingi katika kongamano muda unakuwa hautoshi. Kupitia www.tdcglobal.org/member-register/ unaweza kujiunga na baraza la Diaspora na kuweza kujadiliana nao kuhusu mambo mbalimbali yanayohusu Diaspora.

Ujumbe wa kongamano ulikuwa:Diaspora na maendeleo na Mtu kwao ndio ngao.

Asanteni.

Nyagabona

Bw. Adolph N. Makaya

Katibu.

TDC Global

2018-09-13

